

# UDyakalashi omahetseba nentakazana

Kholeka Mabeta  
isiXhosa





Kwathi ngaminazana ithile uDyakalashi ekhangela ukutya wabona intakazana ibhabha isiya emthini. Lentakazana yayiphethe igaqa elikhulu lesonka samanzi ngaloo mlonyana wayo utsolo.

"Ndiyasifuna esasonka samanzi,"  
wacinga watsho udyakalashi.  
Sasibonakala simnandi kakhulu.  
Wayesele evuza izinkcwe umfo omkhulu.  
Wakhawuleza wosula umlomo esenzela  
ukuba intakazana ingamboni ukuba  
uyarhala.





Intakazana yayibhabhe imini yonke, koko yayidiniwe ifuna ukuphumla. Yathi ngcu kwisebe lomthi ithatha isiqabu. UDYakalashi wathi vovololo phantsi kwaloo mthi kuhleli kuwo intakazana.

UDyakalashi wabulisa intakazana enoncumo olukhulu. "Molo ntakazana! Ubukeka umhle kakhulu namhlanje. Iintsiba zakho ziyakhazimla ubukeka usempilweni. Kuyabonakala ukuba inene uzikhathalele."





Intakazana yaba negugu kakhulu xa isiva lamazi amnanadi kangaka. Kaloku iintakazana ziyakuthanda ukunconywa.

"Ndiva kusithiwa unelona lizwi limnandi kwaye ingoma yakho imyoli kuzo zonke iingoma zehlabathi," waqhatha watsho uDyakalashé. "Khawundiculele ingoma nje ibe nye."





Yho! Yavuthelana intakazana ngamabhongo isiva ukunconywa nguDyakalashe ingaqondi ukuba iyaqhathwa. Yavula amaphiko yatyhala isifuba isenzela ukuba liphume kakuhle ilizwi layo. Yatsho ngeyona ngoma yakhe yamnandi.



Khilikiqi! Saphuncuka isonka samanzi emlonyeni wentakazana sawa ezantsi kanye phambi koDyakal Ashe. Safika umfo omkhulu esililindile engafuni nokuba sifunyanwe ngumhlaba. Wasichola wabaleka naso ehamba esitya. Yathi isothuka intakazana ifuna isonka sayo wabe uDyakal Ashe ejikela igophe engena phakathi kwamahlaha.




# UDyakal Ashe omaqhetseba nentakazana

Writer: Kholeka Mabeta

Illustration: Benjamin Mitchley

Translated By: Kholeka Mabeta

Language: isiXhosa



© African Storybook Initiative, 2014



This work is licensed under a Creative Commons Attribution  
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

**Saide**   
South African Institute  
for Distance Education

[www.africanstorybook.org](http://www.africanstorybook.org)  
A Saide Initiative